

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**D. Adami Rechenbergi Consensus Orthodoxus Cum Verbo
Dei, libris Symbolicis & probatissimis Theologis gnēsiōs
Lutheranis, inprimis Saxonici antiquis, De Gratiae
Divinae Termino, oppositus Malevolorum ...**

Rechenberg, Adam

Lipsiae, 1701

Animadversio

urn:nbn:de:bsz:31-105727

Respondet Compilator: *Affirmat questionem D. Rechenberg. Disp. de Term. Grat. revocat. §. 29. atque contrariam sententiam novum Evangelium vocat improbis & secure viventibus gratissimum.*

Animadversio.

UT supra in prima quæstione Sycophantices specimen oppido fœdum Compilator edidit; ita in ultima hac laudem istam tueri contendit. Primo enim falso ex *Disput. mea* §. 29. allegat, ubi ne verbum quidem hujus quæstionis occurrit: Secundo nusquam ego istam quæstionem ita proposui, multo minus sic crude affirmavi, ut Compilator quidem malitiose mihi affinxit. Forte autem §. 52. *disp. mea* respicere voluit, ubi hanc quæstionem proposui practicam: *An ob desperationis periculum unius vel alterius incertum, gratia Dei universalis erga relapsos indiscriminatum subinde exaggeranda sit; licet mille securi homines inde ansam certam in peccatis perseverandi capiant, eternumq. pereant?* Hanc quæstionem cordatis & prudentibus Theologis dijudicandam ibi reliqui, nec determinavi; etsi determinatu facilis sit. Qui vero hanc, eundem cum Compilatori quæstione XII. sensum complecti existimat, nñ eum sensu communi destitui dixerim. Tertio ruditatem aut malitiam prodit suam, cum mihi D. Calovii verba ex *confid. Arminian. c. XII. thes. 3. pag. 445.* opponit, ac si ego cum Arminianis hac in parte sentirem. Falso allegat c. XII. th. 3. Arminianismi Caloviani: agit enim illud cap. de *Bonis operib.* & quam citat p. 445. de *Electione ad Gloriam*, adversus Arminianos Calovius disputat. Indicabo tamen Compilatori locum Calovii, ex quo me impudenter convitiari depuduit. Extat ille in *Considerat. Arminianismi c. XX. de divinis combinationibus ac impiorum pñnis.* Ibi Calovius p. 458. Arminianos laudat, quod Socinianorum doctrinam; Deum s̄penumero in hac vita gratia ostium sic occludere, ut prorsus nulla venie aut misericordie

die divine recuperanda spes sit: male vero (Calovius pergit) sententiam istam negant, adeo falsam ac noxiā, ut tolerari non possit: pejus eos, qui eam tenent, si rationibus ab ea abduci nequeant, iudicio suo frui sinunt. Quia certissima hēc est ad desperationem via, si credas aut persuasus sis, Deum gratia ostium ita occudere; ideoq; non potest non ea sententia noxia & damnabilis haberi. Et quomodo tolerabitur ea doctrina, qua gratia Dei labefactatur, & misericordia calumnia benignissimo Domino nostro struitur, ut de Novatianis, erroris hujus autoribus, quondam professus est Eusebius c. VII. Hist. Eccles. c. IIX. &c. Hanc B. Calovii sententiam mente calamoque in IV. Additamento meo pag. 131. (ut ante in disput. de Termin. Grat. §. 6. & 13.) adprobavi; cum putidam istam calumniā nuper virulentī animi antagonistā Lipsiensis mihi impingere ausus esset. Et quanquam hic nuperimis schedis Sophisticis evulgatis, calumniam istam, novis quæsitis coloribus incrustare, ut imperitis fucum faceret, molitus sit; istam tamen Deo volente, ita propediem abstergam, ut artes tales Præsule sane indignæ manifestentur. Ego enim ut semper hunc Socinianorum crassissimum errorem a Calovio rejectum, despui; ita & illum contra Arminianos, noxiū minimeq; tolerabilem esse statuo. At quæ cognatio doctrinæ orthodoxæ Lutheranorum Doctorum, quam ego defendo, cum illa jam rejecta falsa doctrina? An cum Socinianis aut Arminianis sacer olim Calovii, B. Hulsemannus fecit, quando in Comment. in Jerem. ab ipso Calovio ante impressionem reviso, cap. XXXVIII, 22. in Aphorism. Pract. scribit; *Hic solet esse tandem eventus impenitentium, ut nimis sero sapiant, nec committationibus cedant; donec eas experiantur, Prov. XI, 6.* Veruntamen SOLET QUIDQUE CLEMENTIÆ DIVINÆ PORTA SERATA ESSE, ut u...ntur conqueri perdit: Periit astas, & salvati non sumus, expectavimus pacem, & ecce formido, Jerem. VIII, 15. 20. Item in Jerem. c. XVI. p. 270. Profecto non alia ejus hominis (indurati) conditio est, quam NB. Epulonis extra omnem spem venie positi, Luc. XVI, 26. An Balduinus in cas. conscient. l. 1. c. 13. p. 37. Socini-
zat

zat scribens: *Frustra est, quod multi existimant (cum suæ heterodoxiæ
 sociis) sufficere, si in ultimo agone agnoscant, se peccasse, & ad miseri-
 cordiam Dei configuant.* Multos enim peccati veterius ita consopi-
 vit, ut ad seriam peccati agnitionem nunquam perveniant. Consci-
 entia etiam ipsoam tot saepe cruciatibus angitur, ut de misericordia Dei
 serio cogitare nequeant, unde in desperationis barathrum precipites
 ruunt. Quid de B. Geiteri verbis in Prov. I. p. 75. sentis Cavillator? an
 & iste Socinizat? Ne putas, ultimum vitæ scelestæ quadrantem suffi-
 cientem aliquando futurum esse ad placandum Deum, cum non omnis
 viator penetreret, nec omnis etiam anxie querens inveniat, quandoqui-
 dem pénitentia sera raro vera, licet vera nunquam sera. Hinc nec
 in cælum recipi putandum est, qui moribundi demum id querere inci-
 piunt, quod toties malitiose repudiarunt. Idem Comment. in Psalm.
 LXXVII. p. 1389. *Usus e v. 8. Beneplacitum Dei non auferri potest, nisi
 per malitiosam gratiæ excusione;* & mox ibidem: *Usus e v. 20.
 Abusus detestandus gratiæ ulterioris probabet quodammodo affluxum,*
 Rom. II, 4. Siracid. IV, 4. sqq. *Gratiæ misericordiæque sua exercenda,
 certos quasi Deus ipse FIXIT TERMINOS, VEL CERTUM GRATIÆ
 TEMPIUS definivit, Luc. XIX, 44. Prov. I, 24. Jes. XLIX, 9. 2. Cor. VI, 2.
 Hoe qui prætermiserit, culpam non Deo, sed sibi ipsi tribuat.* Plura in
 re manifestissima, testimonia cumulare hic poteram, ut *Compilato-
 rem Dissensus*, impudentiæ cavillandi convictum Lectori Christiano
 exhibilandum sisterem. Verum tempore exclusus, festinando hic
 novaturientium adversariorum *novum Evangelium*, quod securis &
 induratis prædicari cœpit, discutere, aut ex insignis Theologi Pauli
 Tarnovii de *Novo Evangelio*, dissertatione egregia anno 1697. Francof.
 ad Mœnum recussa illustrare, aut manifestum *Dissentum* illorum a
 vera orthodoxyia, ex ipsorum scriptis demonstrare jam non possum.
 Forsan, si ita motus ciere atque Ecclesiam turbare non destiterint, id
 alio tempore commodum fieri poterit. Sunt enim jam eruditii viri,
 qui ejusmodi *nove* scilicet *orthodoxie* flosculos, ex illorum disputati-
 onibus ac homiliis prelo paratos collegerunt, quando poscitur. Ego
 vero, qui ita proterve hactenus ab importunis ac malevolis homini-
 bus

bus lacesitus fui, Lectorem cordatum & extra partium studia positum
 enixe rogo, ut DISSENSUM ab ORTHODOXIS ELECTORALIBUS,
 in puncto de Gratia divina, mihi maligne a Compilatore Wittenbergen-
 se afflictum, & ante octiduum ibidem sine die & consule publicatum
 improbeque disseminatum, cum CONSENSU HOC MEO ORTHODO-
 XO conferre justumque pronunciare judicium dignetur. Depre-
 hendet, scio, Compilatorem, si non malitia, impudentia tamen conju-
 ratis, de me per chartarum maledicarum atque sophisticarum copiam
 opprimendo, Fratribus suis palmam dubiam reddidisse. Nam & ipse
 artificio Sophistis solenni usus, Theologorum veterum sententias,
 quæ motam hanc controversiam attinere videntur, cavillationibus in
 sinistram partem detorsit, vocabula quædam infarsit, ut aliqua specie
 posset impugnare, aut reddere suspectam atq; calumniis imperitorum
 hominum opportunam. Similes strophas *Apologia Aug. Confess.* in Pon-
 tificiis Sophistis, artic. III. p. 17. olim notavit. Quæ sane artes pes-
 simæ, si in nostra Ecclesia invaluerint, nec illis turbarum incensoribus
 fibula mature injiciatur, novarum in hac, turbarum nullus erit finis,
 nulla tranquillitas.

At est profecto Deus in cœlo, cui Ecclesia curæ est, sunt etiam,
 ipsius gratia, adhuc in terra Ecclesiæ Curatores cordati & prudentes,
 qui improbas hasce turbidorum & invidorum hominum molitio-
 nes compescent, neque illis pro lubitu, in innocentes tanto cum
 Ecclesiæ offendiculo, hoc præsertim rerum exulcerato statu, grallari
 indulgebunt. Ego interim Deo confusus, cum Hieropsalte exclam-
 mo: *Recedite ergo a me mali; custodiam enim precepta Dei mei:*
*Mendacium odi & detestor; legem tuam, ô Domine, amo: miseri-
 cordiam & justitiam tuam cantabo in
 eternum!*

Nomini Tuo Soli Gloria!

Spa-